

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

INGURUMEN ETA HIRIGINTZA SAILA

151/2019 Foru Agindua, ekainaren 11koa, behin-behineko onespena ematen diona Aiarako udalerriko Añes herriko 6 poligonoan, 1717 zk.ko lurzatian, lurzoru urbanizaezinean, telefonia mugikorreko deien banagune bat instalatzeko, Itelazpi SAren jabetzakoa den azpiegitura baten gainean, interes publikoa adierazteko espedienteari

Telefónica Móviles España SAK Aiarako Udalarari aurkeztu dio telefonia mugikorreko deien banagune bat ezartzeko jardueraren aurretiko jakinarazpena. Banagunea Añes herriko 6 poligonoaren 1717 lurzatian kokatuko da.

Aiarako Udalak espedientea bidali du, eta eskatu du izapidetu dadila proiektuaren interes publikoaren adierazpena, Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan xedatutakoa betetzeko.

Espedientearen osagai da 0100508 Añes telefonia mugikorreko deien banagunea (COC 201807001154) ezartzeko proiektu tekniko ikus-onetsia, zeinak deskribatzen baitu jarduera garatuko dela dagoeneko bertan dagoen eta Itelazpirena den (Eusko Jurlaritzak) azpiegitura baten gainean. Horretan adierazten da jarduera Estazio Transmisiotzaile/Hartzaileen Estatuko Estaldura Planaren (BTS) barruan dagoela, eta telefono mugikorretara irriti uhinen bidez lotzen dela. Udaltaldeko arkitektoak egindako txostena ere erantsi da. Txosten horretan adierazten da lurzatia lurzoru urbanizaezinean dagoela, trantsizioko landa paisaiaren babes zonan, udalerrian indarrean dauden arau subsidiarioen arabera.

2019ko maiatzaren 22an, Aiarako Udalarari errekerimendua bidali zitzaion, hona hemen:

“(…) Lurralde Antolamenduaren eta Hirigintzaren Zerbitzuak espedientea aztertu zuen, eta 2019ko maiatzaren 15ean, txostena eman zuen eta honako hau adierazi:

Hasteko, akatsa dago udal txostenean telefonia mugikorreko deien banagunea eraiki nahi den lurzatiari dagokionez. Beharrezkoa da lurzatiaren datuak zehaztea eta udal txosten teknikoan lurzoru urbanizaezin kategoriakoa dela jasotzea, eta baita indarreko hirigintza araudiaren arabera kalifikazio horrekin bateragarriak diren erabilerak ere.

Bigarrenik, datuak falta dira Telefonica Movilesen banagunea eraiki nahi den lurzatian lehenetik dagoen azpiegituraren (Itelazpiko dorrea) interes publikoaren aitortpenari buruz.

Txosten hori helarazten zaio Aiarako Udalarari, hamabost eguneko epea emanez egokitzat jotzen dituen dokumentu eta alegazio guztiak aurkeztu ahal izan ditzan. Egindako eskaeraren inguruan ebazteko eta jakinarazpenak egiteko epea eten egiten da (...).”

Arabako Foru Aldundiaren Erregistro Orokorreko 2019ko maiatzaren 31ko sarrera data duen idazki baten bidez, Aiarako Udalak aipatutako idazkiaren erantzuna bidali zuen, eta udal arkitektoak maiatzaren 29an egindako txostena erantsi zuen, non errekerimenduan eskatutakoei erantzuten zaien. Hori dela eta, dagokion onura publikoaren edo interes sozialaren adierazpena izapidetzeko eskatzen du, eta ebatzi dadila bai 2010ean Itelazpi SAK ezarritako telefonia ekipamenduarena bai Telefónica Móviles España SAK telefonia mugikorreko deien banagunerako eskatutakoarena, zeina aurretik dagoen azpiegituraren gainean jarriko baita.

OINARRI JURIDIKOAK

Ingurumen eta Hirigintza Sailak eskumena du aztertzen ari den espedientea ebazteko, diputatu nagusiaren uztailaren 3ko 133/2015 Foru Dekretuaren arabera eta sailaren egitura organiko eta funtzionala onetsi zuen Diputatuen Kontseiluaren otsailaren 9ko 17/2016 Foru Dekretuko 18.c) artikuluan xedatutakoaren arabera.

Bat etorritik Lurzoruari eta Hirigintzari buruzko ekainaren 30eko 2/2006 Legeak 28.5.a) artikuluan ezarritakoarekin, "lurzoru urbanizaezinean ezingo dira gauzatu aplikatzekoa den legeria sektorialak edo lurralde antolamenduak interes publikoko deklaraturako zuzkidura, ekipamendu eta jarduerak berariaz ezartzeko jardunak baizik, zeinak betiere dagokion foru diputatuak ebazpen bidez deklaratu behar baititu interes publikoko, hoguei egunez jendaurrean edukitzeko izapidea bete ondoren".

Aztertutako kasuan, hasierako onespina izapide bat baino ez da, hots, prozedura bultzatzen duen eta edukia argitaratzea ahalbidetzen duen izapidea baino ez, eta ez du xedatzen, inondik inora, behin betiko onespenerako hartu beharreko erabakirik.

Horregatik guztiagatik, dagozkidan ahalmenak erabiliz, honako hau

XEDATU DUT

Lehenengoa. Hasierako onespina ematea telefonia mugikorrek estaziogune bat Añesko 6 poligonoko 1717 partzelan jartzearen interes publikoa adierazteko espedienteari. Interes publikoaren adierazpena Telefónica Móviles España SA enpresak sustatu du, Itelazpi Saren jabetzakoa den azpiegituraren gainean jartzeko, eta Aiarako Udalak izapidetu du.

Bigarrena. Espedientea jendaurrean jartzea, hoguei egunez, foru agindu hau ALHAOn argitaratzen denetik aurrera. Epe horretan, nahi duen orok egoki iritzitako alegazioak aurkeztu ahal izango ditu. Interesdunek Lurralde Antolamenduaren eta Hirigintzaren Zerbitzuan azter dezakete espedientea.

Gasteiz, 2019ko ekainaren 11

Ingurumen eta Hirigintza Saileko foru diputatua
JOSEAN GALERA CARRILLO